

ՊԱՇՏՈՆԱԿԱՆՔ

ԱՄԵՆԱՅՆ ՆԱՅՈՑ ԿԱԹՈՂԻԿՈՍՆ ԸՆԴՈՒՆԵՑ
ԲՈՒԼԱՐԻԱՅԻ ՎԱՐՉԱԴԵՏԻՆ

Ապրիլի 3-ին, Մայր Աթոռ Սուրբ Էջմիածնում, Ն.Ս.Օ.Տ.Տ. Գարեգին Բ. Ծայրագույն Պապրիարք և Ամենայն Նայոց Կաթողիկոսն ընդունեց Բուլղարիայի վարչապետ Բոյկո Բորիսովի գլխավորած պատվիրակությունը:

Նանդիպմանն Ամենայն Նայոց Կաթողիկոսը գոհունակությամբ նշեց, որ երկու երկրների միջև հարաբերությունները, համահունչ հայ և բուլղար ժողովուրդների պատմական բարեկամությանը, առաջընթաց են ապրում և զարգանում՝ ընդգրկելով համագործակցության տարբեր ոլորտներ: Նորին Սրբությունն անդրադարձավ անցյալ դարում Նայ Եկեղեցու և ժողովրդի կրած դժվարություններին և Մայր Աթոռ Սուրբ Էջմիածնի պատմական առաքելությանը հայ ժողովրդի կյանքում: Վեհափառ Նայրապետն ընդգծեց, որ այժմ հայ ժողովուրդը, հաղթահարելով իրեն բաժին ընկած դժվարությունները, հոգևոր վերագարթոնք է ապրում ինչպես Նայրենիքում, նույնպես և Սփյուռքի տարբեր համայնքներում: Այս առիթով Ամենայն Նայոց Կաթողիկոսն անդրադարձավ Բուլղարիայի հայոց թեմի և հայ համայնքի կյանքին, Տ. Աբգար վարդապետ Նովակիմյանի՝ թեմի առաջնորդական փոխապահ նշանակմանը, ի դեմս վարչապետի գնահատմանը հայրենիքում Բուլղարիայի իշխանություններին հայ համայնքի, բուլղարահայության պատմամշակութային հոգևոր ժառանգության հանդեպ ցուցաբերվող խնամքի և ուշադրության համար: Վեհափառ Նայրապետը ուրախությամբ հաստատեց, որ Աստուծո կամքով առաջիկային ավարտին կհասցվի Սոֆիայի առաջնորդանիստ հայկական եկեղեցու կառուցումը:

Իր հերթին Բուլղարիայի վարչապետ Բոյկո Բորիսովը, ուրախություն հայտնելով հանդիպման առիթով, անդրադարձավ Բուլղարիայում եկեղեցի-պետություն հարաբերություններին, մասնավորաբար պետության գորակցությանը Բուլղար Եկեղեցուն՝ պատմական վանքերի ու եկեղեցիների նորոգման և նոր եկեղեցիների կառուցման գործում: Խոսելով երկու երկրների հարաբերությունների մասին՝ փոխ Բորիսովը կարևորեց պատմության ընթացքում երկու ժողովուրդների կերպած բարեկամության ու կապերի պահպանումը և հետագա զարգացումը:

Նանդիպման ընթացքում Բուլղար Ուղղափառ Եկեղեցու և Բուլղարիայի հոգևոր կյանքի վերաբերության մասին նաև փոխնախարարներ փոխանցեց պատվիրակության անդամ Նաթանայել միսթոպոլիտը:

Վերջում Նորին Սրբությունը եղբայրական իր սերն ու բարեմաղթանքները փոխանցեց Բուլղար Ուղղափառ Եկեղեցու պետ Նորին Սրբություն Մաքսիմ Պապրիարքին՝ վերադառնալով իր աղոթքն ու օրհնությունը բերելով Բուլղարիային և բուլղար ժողովրդին:

ՄԱՅՐ ԱԹՐՈՒ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱՄԱԿԱՐԳ